

«Fargʻona viloyati boʻyicha 2024-yil 6 oylik yakunlari yuzasidan qishloq, oʻrmon va baliqchilik xoʻjaligi mahsulotlari yetishtirish koʻrsatkichlari» mavzusida oʻtkazilgan matbuot anjumani yuzasidan AXBOROT

Joriy yilning 25-sentabr kuni Fargʻona viloyati statistika boshqarmasi binosida viloyatda faoliyat yuritayotgan ommaviy axborot vositalari xodimlari va jurnalistlar ishtirokida «Fargʻona viloyati boʻyicha 2024-yil 6 oylik yakunlari yuzasidan qishloq, oʻrmon va baliqchilik xoʻjaligi mahsulotlari yetishtirish koʻrsatkichlari» mavzusida matbuot anjumani boʻlib oʻtdi. Matbuot anjumanida Fargʻona viloyati statistika boshqarmasi boshligʻining oʻrinbosari F.Yakubov, Qishloq xoʻjaligi va ekologiya statistikasi boʻlimi boshligʻi A.Akbarov hamda mazkur boʻlim boshligʻining oʻrinbosari Ya. Esonmirzayevlar ishtirok etdi.

Anjumanda joriy yilning 6 oyida Fargʻona viloyatida qishloq, oʻrmon va baliqchilik xoʻjaligi mahsulot (xizmat)larining umumiy hajmi 18 095,3 mlrd soʻmni yoki 2023–yilning mos davriga nisbatan 104,9 % ni, shu jumladan, dehqonchilik va chorvachilik, ovchilik va ushbu sohalarda koʻrsatilgan xizmatlar –17 844,3 mlrd soʻmni, oʻrmon xoʻjaligi–184,4 mlrd soʻmni, baliqchilik xoʻjaligi – 66,6 mlrd soʻmni tashkil qilganligi, respublika qishloq, oʻrmon va baliqchilik xoʻjaligi tarkibida Fargʻona viloyatining ulushi 10,6 % ni tashkil etganligi, qishloq, oʻrmon va baliqchilik xoʻjaligi mahsulot (xizmat)lar umumiy hajmining 98,6 %i –dehqonchilik va chorvachilik, ovchilik va ushbu sohalarda koʻrsatilgan xizmatlar, 0,4 %i – oʻrmon xoʻjaligi, 1,0 %i – baliqchilik xoʻjaligi hissasiga toʻgʻri kelishi, shahar va tumanlar kesimida qishloq, oʻrmon va baliqchilik xoʻjaligi mahsulot (xizmat)larining eng yuqori hajmi Fargʻona 1 630,9 mlrd soʻm va Beshariq 1 429,4 mlrd soʻm tumanlarida qayd etilganligi, aksincha kam hajmga ega hududlarga Qoʻqon shahrida 164,8 mlrd soʻm, Soʻx tumanida 291,0 mlrd soʻm, Margʻilon shahrida esa 238,8 mlrd soʻm miqdorida qayd etilganligini keltirib oʻtish mumkinligi haqida soʻz yuritildi. Bundan tashqari viloyat koʻrsatkichidan yuqori oʻsish surʼatlari Fargʻona shahrida 110,3 %, Quvasoy shahrida 110,2 %, Margʻilon shahrida 109,3% va Fargʻona tumanida 106,0 % kuzatilganligi, Qoʻqon shahrida 101,7 %, Dangʻara 101,7 %, tumanida esa aksincha oʻsish surʼatlari pastligi kuzatilganligi, yetishtirilgan dehqonchilik mahsulotlarining hajmi 10149,8 mlrd soʻmni yoki 2023–yilning mos davriga nisbatan 105,7 % ni tashkil etdi. Ishlab chiqarilgan qishloq xoʻjaligi mahsulotlarining umumiy hajmida dehqonchilik mahsulotlarining ulushi 57,4 % ni tashkil qilganligi, barcha toifadagi xoʻjaliklar tomonida 694,6 ming t. don yetishtirilganligi, Don yetishtirish koʻrsatkichlarini xoʻjaliklar toifalari boʻyicha tahlil qilinganda, don ishlab chiqarish umumiy hajmidan 94,3 %i fermer xoʻjaliklari hissasiga toʻgʻri kelishini koʻrsatayotganligi, chorvachilik mahsulotlarini ishlab chiqarish hajmi 7521,9 mlrd soʻmni yoki 2023–yilning mos davriga nisbatan 103,7 % ni tashkil qilganligi, yetishtirilgan qishloq xoʻjaligi mahsulotlarining umumiy hajmida chorvachilik mahsulotlarining ulushi 42,6 % ni tashkil etganligi shu va boshqa maʼlumotlar haqida hisobot berildi. Anjuman davomida jurnalistlar tomonidan viloyatda oʻrmon xoʻjaligi, ekologiya boʻyicha hisobotlarini qabul qilishdagi asosiy omillar, baliqchilik xoʻjaliklari boʻyicha hisobotlarni qabul qilishdagi xususiyatlar, qishloq xoʻjaligi sohasiga kiritilayotgan investitsiyalar haqidagi berilgan savollarga mutasaddilar toʻliq maʼlumot berdilar.

